



08. marts 2012

UPA 2012/57

Inatsisartut Suleriaasianni § 33 naapertorlugu aalajangiiffigisassatut siunnersuut imattoq matumuuna saqqummiupparput:

Sulisunik avataaneersunik atorfinititsiniarnernut qinnuteqaatit kommunenit suliariqeartillugit, qinnuteqaatit kommuneni suliffissaqartitsiniarnermut ataatsimiititaliani tusarniaassutigineqartalernissaat qulakkeerniarlugu UKA 2012-imi Naalakkersuisut maleruagassioqqullugit Inatsisartut aalajangiiffigisassaattut siunnersuut. Ataatsimiititaliat qanoq katitigaassanersut aammalu sulinerat pillugu Naalakkersuisut aamma maleruagassialioqquneqarput.

(Inuit Ataqatigiit Inatsisartuni ilaasortaatitaat)

Tunngavilersuut:

Siunnersuut matumani pineqartoq Inuit Ataqatigiit Inatsisartuni ilaasortaatitaasa aalajangiiffigisassatut siunnersuutaannut ataatsimiinnermilu saqqummiunneqartussamut allamut attuumassuteqarpoq, taaguuteqartumut: “*Sulisumik avataaneersumik atorfinititsinissamut imaluunniit sulisitsinissamut atatillugu ullut 14-it qaangiutninginneranni itigartitsissummik akuersissummilliuniit akissuteqarnissamut piffissarititap qaammatinngortillugu sivitsorneqarnissaa anguniarlugu, Kalaallit Nunaannut suliffissarsiorput killilersimaarnissaat pillugu Inatsisartut inatsisaata nr. 27 30. oktober 1992-imeersup allanngortinnejarnissaa siunertaralugu Inatsisartut aalajangiiffigisassaattut siunnersuut.*” (UPA 2012-56)

Aalajangiiffigisassatut siunnersuutip matuma siunertarisaa tassaavoq, sulisunik avataaneersunik atorfinititsiniartoqartillugu kommuneni tamani suliffissaqartitsinermut ataatsimiititalianik tusarniaavigineqartartussanik pilersitsinissaq. Kommuunip suliffissaqartitsinermut ataatsimiititaliani sinniisutitaqarnerisa saniatigut siunnersuutigineqartukkut sulisoqarnikkut soqutigisaqaqatigiiffit, soorlu GA-p kiisalu SIK-p immikkoortortaqarfii ataatsimiititaliani sinniisutitaqlissasut aamma anguniarneqarpoq. Tamanna sumiiffikkaartumik sulisoqarnikkut soqutigisaqaqatigiiffit qanumut peqataalersinneqarusunnerannik aammalu inatsit siunertamisut atortinneqarnersoq pillugu nakkutiginninnerup sukaterteriaqneranik tunngaveqarpoq.

Inatsisartuni ilaasortaq Juliane Henningsen-ip § 37 najoqqutaralugu apeqquteqarneranut Naalakkersuisut 9. januar 2012 imatut ilisimatitsippu: “*Kommunit suliffissarsiuussiviini suliariqeartussat naammaginartumik naammassineqartarnersut naalakkersuisoqarfimmit nakkutigineqartuuungilaq.*” Siunnersuutip matuma saqqummiunneqarneranut tamanna taa-mammat ilaatigut tunngavigineqarpoq.

1980'-kkut ingerlaneranni kommuneni tamani suliffissaqartitsiniarnermut ataatsimiititalia-qareersimavoq. Tamanna tunngavigalugu taamaammat naatsorsuutigisariaqarpoq ataatsimiititaliat qanoq katitigaassanersut aammalu sulinerat pillugu Naalakkersuisut, KANUKOKA kiisalu sulisoqarnikkut kattuffiit suleqatigalugit naleqquttunik maleruagassiorsinnaassasut.

Aningaaasarsiornikkut allaffissornikkullu pisortanut kingunissai.

Kommunip sinnisaannik ilatigullu SIK-p aammalu GA-p immikkoortortaqarfiiinik ilaasortaaffigineqartumik kommuneni suliffissaqartitsiniarnermut ataatsimiititalianik pilersitsineq, kom-muneni suliffissarsiuussisarfiit oqalisaassiffigineqarnerannik kinguneqarsinnaassaaq. Taamatuttaaq ataatsimiititaliat pilersinneqarneri ilutigalugit inatsit siunertamisut atortinne-qarnersoq pillugu nakkutiginninneq annertusissaaq.

Suliffissaqartitsiniarnermut ataatsimiititaliat ataatsimiinnerini SIK-p aammalu GA-p ilaasortaatitaat ataatsimiinnersiuteqartinneqassanersut apeqqutaalluni kommunit annikit-suinnarmik aningaaasaleeqqittariaqassasut naatsorsuutigisariaqarpoq. Taamaattorli aningaa-saleqqittariaqarneq Akileraartarnermut Atugarissaarnermullu Isumalioqatigiissitap inerniliussaanut matumunnga nallersunneqartariaqarpoq; inuup ukumi ataatsimi pisortanit ikiorsiissutisiani sulinerneqarneqtaarserunigut pisortat aningaaasaataat 220.000 kr-init ikinnerunngitsunik pitsanngoriassagaluarput.

Aningaaasarsiornikkut allaffissornikkullu namminersorlutik inuutissarsiortunut kingunissai.

Siunnersuut aningaaasarsiornikkut allaffissornikkullu namminersorlutik inuutissarsiortunut ajorseriaataasussamik kinguneqassangatinneqanngilaq. Paarlattuanik natsorsuutigisariaqarpoq siunnersuut sulisitsisunut ileqqaarutaassasoq avataanit suliartortitanut sulisitsisup aningaaasartuutigisartagai sipaardeqarsinnaanngussammata.

Aningaaasarsiornikkut allaffissornikkullu innuttaasunut kingunissai.

Siunnersuut piviusunngortinnejarpal suliffissaaleqisut amerlanerusut imminnut pilersorsin-naalerlutillu inuiaqatigiit aningaaasarsiornikkut ineriartornerannut ikorfartueqataalersinnejaspapput inuttut namminneq aamma ineriartuutigisaminnik.